

## 08 巧豬

沈瑩玲

阮是可愛的阿豬，生做古錐閣聰明，顧厝是我的稽頭，司奶是我上勢的本等。講到遮，相信逐家攏知影我是啥人矣。雖然我叫阿豬，毋過我毋是豬，因為細漢四界流浪，後來予管理員祛來做公豬予逐家飼，所以我號做阿豬。我有牧羊犬的巧氣，土狗仔扭掠的跤手和規身軀軟軟靛靛的毛草，真正是人看人恰意，無共我摸攏會睏袂去！

社區內有一个共我惜命的阿伯，逐工透早七點攏會恰我佇地下室約會。享受腥臊的早頓了後，我就送伊去上班。有一擺，伊共朋友對美國提轉來，欲送我的四秀仔揀予我食。我一下鼻，哎哟！烘甲有砢砢的豬耳仔，是欲叫我這個老歲仔的牙槽齧予歪去喔！我毋食，伊就一直揀予我，揀甲實在袂忍得矣，我頭越咧就走。想袂到阿伯氣甲罵我是好命狗、毋知好歹，就氣掣掣去上班矣！

自按呢我就去樓頂鬥顧厝、恰逐家跋感情，嘛袂聽去食彼塊四秀仔。阿伯轉來看一下氣甲！這聲真正代誌大條矣，雖然公寓來來去去的人真濟，毋過真心疼惜我的人無幾個。阿伯若毋插我，從今以後我腥臊的早頓就烏有去矣！翻轉工，我早早就去等候阿伯。看著伊，我尾溜搖咧趕緊走去共司奶。毋過伊煞車駛咧做伊走，害我規工鬱卒佇心

內。

隔轉工，阿姆恰阿伯做伙落來，我的尾溜是搖甲強欲落去。阿伯猶是毋插我，阿姆就跔落來提彼塊豬耳仔講：「哎哟！這烘甲有砢砢是欲叫伊按怎食啦！我聽一下心花開，總算有人了解我的心聲矣。阿伯就番講：「是按怎人人美國狗有才調食，你這隻老狗就是毋願共我鼻芳一下？」車門關咧就做伊出門矣，害我心肝穎仔嚟一下，就闊跋落去無底深坑。了後我起感心，共豬耳仔咬起來齧看覓。想袂到伊沐著濕氣已經變較軟略矣，我就開始啞啞仔哺，真正是愈哺愈芳，愈哺愈繼喙。阿姆看了真歡喜，就敲手機仔予阿伯。阿伯講：「算伊巧，目睷有漿泔，知影好落軟，若無我就欲共伊放生矣。真正有巧，飼伊無了，哈哈……。」

## 06 歌暎日

蔡瀚儀<sup>1</sup>

歌暎日阿爸定會杰阮四界去迺迺，這擺阮欲去看水筆仔。水筆仔生長佇淡水河的出海口，這是一種真特別的樹仔。阮小弟阿明上歡喜，因為個自然課挂咧教水筆仔的生態，伊足想欲去看看到底水筆仔是按怎咧發穎生炭？雖然捌聽人講過，毋過嘛是猶稍無搵頭，不如親身去看看實在。

阮規家坐捷運去到紅樹林站，來參觀生態館的人誠濟。先看水筆仔生態的影片，予逐家對水筆仔有基本的認捌，導覽才閣杰阮去生態保護園參觀。哇！看過去規片攏是水筆仔，有一條柴枋釘的步道，彎彎幹幹順河邊行過去，沿路雙引的水筆仔發甲誠茂。樹仔頂一枝一枝親像毛筆的水筆仔困生誠濟，有的落落來挂好插咧爛塗裡，就生根發葉佇遐大樣，若落佇水面的就綴流水流出去。

流水逐工會來去，佇水面的水筆仔困就會綴個四界去，覓去河岸邊，覓到溪仔乾。佇遐咧歌暎的時，毛蟹看著講：「蹠咧啦！遮有誠濟朋友佗你做伴，你才袂孤單。」水筆仔困誠歡喜就佇遐蹠，就按呢一代一代生炭落去，無偌久就成做一片紅樹林。洩流的時，大管仙、海和尚、海蛇蛻攏出來賴賴趕。兩尾花鮫咧相偃，共尻脊駢的旗仔襖甲若親像船帆，樹林跋鬧熱滾滾。上趣味的就是兩隻擇白

扇仔咧相戰，共大管跋擇懸咧相嚇驚，有夠風神。導覽講，拍輪的有時陣會共大管跋擲咧做伊旋。伊閣問講：「減一肢管無武器，後擺欲按怎佗人相戰？」小弟隨擇手應講：「伊會閣發一肢全款的大管跋。」導覽賞伊一張擇白扇仔的貼紙，逐家閣共拍喋仔呵咾。

白鴿驚佗海鳥佇海埔仔咧討食；毛蟹佇空濱出濱入真無閒，跋手真猛掠。阿爸講：「跋手若慢鈍連鞭就予海鳥捅去！」

阿母講：「歌暎日來紅樹林看毛蟹挖塗空、看花鮫佗石貼仔有啥無全款？加捌一寡常識才袂讀死冊。」欲暗仔海邊全紅霞，一陣一陣的海風吹來，有一種魚仔的臭臊味。阮坐佇捷運頂懸，窗仔外的水筆仔咧共阮擇手，若咧叫阮有閒才閣來迺迺。

<sup>1</sup>蔡瀚儀(Tshuà Hān-gi)